

Njoftim i përqendrimit me të cilin VDL Bus dhe Coach Holding B.V. Holandë do të fitoj kontrollin mbi mjetet që i përkasin Immoroc NV, Belgjikë dhe Van Hool NV, Belgjikë (lënda nr. 08-83/2024)

Në bazë të nenit 15 të Ligjit për mbrojtjen e konkurrencës ("Gazeta Zyrtare e Republikës së Maqedonisë" nr. 145/10, 136/11, 41/14, 53/16 dhe 83/18), më 02.05.2024, në Komisionin për mbrojtjen e konkurrencës është dorëzuar njoftim për përqendrim me të cilin VDL Bus dhe Coach Holding B.V. (VDL Bus & Coach Holding B.V.), me seli të regjistruar në Hoevenveg 1, 5652 AVV Ajndhoven, Holandë do të fitoj kontrollin mbi disa pjesë dhe mjete që i përkasin Immoroc NV, me seli të regjistruar në Bernard Van Hoolstraat 61, 2500 Lier, Belgjikë, Van Hool NV, me zyrë të regjistruar në Bernard Van Hoolstraat 58, 2500 Lier, Belgjikë, dhe shoqëritë e tyre të lidhura, nëpërmjet blerjes së pjesëve dhe mjeteve.

Pjesëmarrësit në përqendrim dhe aktivitetet e tyre të biznesit

VDL Bus and Coach Holding BV është një shoqëri për qëllime të veçanta e themeluar nga VDL Groep BV. (VDL Groep BV), shoqëria udhëheqëse e grupit të shoqërive VDL („Grupi VDL“).

Grupi VDL zhvillon dhe prodhon një numër të madh produktesh industriale, nga pjesët deri te produktet e gatshme të avancuara, me mbi 16,000 punonjës në 19 vende. Grupi përfshin më shumë se 100 shoqëri që bashkëpunojnë ngushtë, secila me specialitetin e vet.

Divizioni i autobusëve dhe autobusëve turistikë (*coach*) përbëhet nga autobusë turistikë, autobusë të transportit publik, module shasi, autobusë të përdorur dhe autobusë mini dhe midi. Sektori i mallrave të gatshme është i gjerë: sistemet e pezullimit për industrinë e automobilave, sistemet e automatizimit të prodhimit, sistemet teknike të ngrohjes, ftohjes dhe hapësirës ajrore, sistemet për industrinë e naftës, gazit dhe petrokimike, kutitë diellore dhe të çatisë, pajisjet e menaxhimit të kontejnerëve, sistemet e sektorit bujqësor, makinat e prodhimit dhe paketimit të purove, sistemet e prodhimit të mediave optike dhe sistemet mjekësore.

Grupi VDL nuk është i pranishëm dhe i regjistruar në Republikën e Maqedonisë së Veriut dhe ka realizuar vetëm shitje marginale në tregun maqedonas në vitet e kaluara.

Immoroc NV, Van Hool NV dhe shoqëritë e tyre të lidhura në vijim do të referohen bashkërisht si „Grupi Van Hool. Grupi Van Hool projekton, prodhon dhe shet autobusë turistikë (*coach*), automjete të transportit publik dhe automjete industriale për tregun botëror dhe ofron shërbime të ndryshme për automjete të tilla.

Shumica e autobusëve, autobusëve turistikë dhe automjeteve industriale janë bërë tërësisht nga Van Hool, me komponentë kryesorë si motorët, boshtet, kutitë e marsheve, bateritë tërheqëse, linjat e lëvizjes me burim nga Cummins, Accelera (ish Siemens), DAF, CATL, ZF, Knorr Bremse, Kiepe Electric etj. Një pjesë e prodhimit përfshin prodhimin e trupave të autobusëve dhe autobusëve turistikë në shasi të veçanta autobusësh nga prodhues si Scania.

Grupi Van Hool është i pranishëm dhe i regjistruar në Republikën e Maqedonisë së Veriut përmes shoqërisë së varur - Shoqëria për prodhim, tregti dhe shërbime VAN HOOL

MACEDONIA SHPKNJP Ilinden, me seli në rr. 102, blloku 16/TIRZ, Bunarxhik, Shkup, Republika e Maqedonisë së Veriut dhe me aktivitetet prioritar të regjistruar - prodhimi i mjeteve motorike.

Parashtruesi i njoftimit konsideron se si tregje relevante për përqendrimin në fjalë mund të përkufizohen si **tregu i autobusëve të qytetit, tregu i autobusëve ndërqytetës dhe tregu i autobusëve turistikë.**

Lidhur me shtrirjen gjeografike të tregut që lidhet me përqendrimin, Parashtruesi konsideron se tregu përkatës gjeografik mund të përcaktohet të paktën në nivelin e EEO

Në bazë të shqyrtimit paraprak, Komisioni konstatoi se përqendrimi në fjalë mund të bie nën dispozitat të Ligjit për Mbrojtjen e Konkurrencës. Megjithatë, vendimi përfundimtar për këtë çështje është i rezervuar.

Komisioni fton palët e treta të interesuara të paraqesin vërejtjet dhe mendimet në lidhje me këtë përqendrim te Komisioni. Vërejtjet dhe mendimet e palëve të treta të interesuar mund të dërgohen edhe me faks: 02 3296 466, në adresën: rr. Shën Kirili dhe Metodi nr. 54, Shkup ose me email: kzk@kzk.gov.mk dhe të njëjtat duhet të arrijnë te Komisioni në afat prej 10 ditëve nga dita e publikimit të këtij njoftimi.

10.05. 2024

Shkup